

جَزَائِرُ مَحَاكِمِ

جمعه ایرتسی

نومرو	ذی الحجہ	سنہ	نيسان	سنہ	صحیفہ
۹۷۶	۱۵	۱۳۱۵	۲۵	۱۳۱۴	۱۳۹۳۳

(اشبو غزته بهر هفته جمعہ ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . هر)
 (نسخہ سی ینہ مجیدیه یکر می فروش اولق اوزره یوزبارہ یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنہ لکنه مشتری اولق استیانلر عدلیه نظارنی)
 (داتره سنده کأن جریده محاکم اداره سنہ مراجعت ایلیلدر)

عدلیه حواله بیوریلان اشبو تقریر مربوطه .
 تیله برابر مطالعه اولندی .

بر قانونک ماقبلنی شامل اوله میه چی
 مثللو احکام موجوده نک دولجه تعیین اولنان
 بر معناده تطبیقنه داتر اتخاذ و اعلان اولنان قرار
 مقدا بر محکمه جانبدن ویریلان حکمنک احکام
 مذکورہ نک مؤخر آ رسماً تعیین ایدن معاسنه
 موافق صورتده تفسیر و تطبیق ایلدیکی بهانه سیله
 کأن لم یکن حکمنده عد ایلسنی موجب اوله میه .

قسم رسمی

انجمن عدلیه نک ۳۹۸ نومرولی

قراری صورتیدر

روم بطریق لکندن تقدیم اولنوب مذاهب
 مدیریت علیسنک در کناری اوزرینه انجمن

جفتدن امتیازات مذهبییه دائر اخیراً نشر اولنان
مقرراندن مقدم محکمه شرعیه نك صلاحیت
قانونیه سی دائره سنده تفسیر ماده ایدرک ویردیکی
اعلام طرق قانونیه به مراجعتله فسخ ویا نقض
ایتدیرلد کجه مرعی الاجرا عد و اعتبار اولنمق
لزومی تذکر قلندی .

واقعه قارشو مدعی عمومیلک جانبندن بر کونه
اعتراض سرد ایدلیهرک یالکر محکوم علیه
طرفندن تمیز دعوی وقوعه کلش اولسنه نظراً
تدقیقات تمیزیه نقض اعلامه منجر اولسه بیله
کیفیت نقض محکوم علیه ک ترویج اعتراض
واستدعای یولنده اولمق لازم کله جکندن هیچ
برحاله تشدید جزای انتاج ایده میه جکی دخی
در کار بولمغله مارالذکر تحریرانده احوالندن
بحث اولنان رفاهیه قضای بدایت ریسنک محکوم
اولدینی بر معاشنک توقیفیه اکتفا اولنمی لزومی
تذکر قلندی .

انجمن عدلیه نك ۱۲۲ نومرولی
قراری صورتیدر

ارضروم ولایت جلیله سندن مورود اشبو
تحریرات محاسبه نك بالاده محرر در کناری
اوزرینه انجمن عدلیه به حواله بیورلمغله مطالعه
اولندی .

انجمن عدلیه نك ۱۹۰ نومرولی
قراری صورتیدر

شورای دولت ریاست جلیله سندن وارد
اولوب امور حقوقیه مدیریت بهیسنک در کناری

اوزرینه انجمن عدلیه به حواله بیوریلان مربوط
۲۱ اغستوس سنه ۳۱۳ تاریخلی واللی التی
نومرولی تذکره ملقوفیه برابر مطالعه اولندی .

مالی قره حصار صاحب تیموریول موقعی
جوارنده لوقظه جیلق ایتمکه ایکن وفات ایدوب
ترکسی محلی محکمه شرعیه سی طرفندن تحریر
ایدیلان تبعه یونانیه دن نیقولا نام شخصک
داینلری استیفای مطلوب ایچون محکمه مذکوره به
مراجعت ایتمکه اولدقلرندن بمحمله متوفای
مرفومک ترکسیله امثالی حقه ده اولنه جق
معامله مقام سامی مشیختیناهییدن استفسار اولندیغنه
مبنی اولبانده مطالعه علیه اصفاه لرینک اشعاری
استرحامندن عبارتدر .

قاعده تبعه اجنبیه نك ترکسی دولت
مبعوعه لری قونسولساری طرفندن ضبط و تحریر
وتقسیم اولنمق اقتضا ایدر ایسه ده زمان حربده
قونسولسولرک ققدانه مبنی ممالک محروسه
شاهانه ده وفات ایدن محارب دولت تبعه سنک
متروکاتی کرک ورثه سنک و کرک داینلرینک
صیاتی امرنده محکمه شرعیه جه ضبط و تحریر
وانمانندن مراجعت ایدن داینلرک ثابت اولان

مطلوبلری ایفا ایدلک امور طبیعیه دن اولوب
شوقدر که بین الورثه تقسیم ترکسیه ایتدار اولنمیرق
حال حرب حال صلحه تبدیل ایتدکده ترک
موجوداتندن مصارف واقعه بعدالتنزیل بادقترعودت
ایتمش اولان قونسولوسه دور و تسلیمی لزومی
تذکر قلندی .

قسم غیر رسمی

- (سلفکده قضاسنه ملحق طاش اوجی اسکله سنده)
- (مقیم تجاردن طودوری قنای قاری ایله محل مند)
- (کورده متمکن ایچ اوغلی میخائیل بیننده)
- (متحدت دعوایه دائر اولان ایچ ایل بدایت)

(محکمه سندن ۵ تشرین ثانی سنه ۳۱۰ تاریخچی)
(ویکرمی ایکی عدیده ویریلان اعلامک)
ماهدی

ایجابی لدی المذاکره اعلام مذکور مآلندن
منفهم اولدینی اوزره دعواى واقعه صفت تجاریه
حاز بولنان مدعى علیهک معاملات تجاریه سندن
متولد بولمتقى اعتباریله رؤیت و تدقیق محاکم
حقوقیه نیک و وظیفه سندن خارج و محکمه تجارته
تأید اولدینی حالدیه کیفیتک خلاف وظیفه حقوق
محکمه سنده رؤیت اولتمسى بولسز و قانونه مغایر
و مستدعی تمیزک اعتراضی دخی بوجهته متدائر
اوله رق شایان قبول کورنش اولدیغندن اصول محاکمه
حقوقیه قانوننک ایکوز اوتوز ایکنجه ماده سی
موجبجه اعلام مذکورک نقضیله قانون مذکورک
ایکیوز قرق اوچنجی ماده سی حکمنه توفیقا کیفیتک
یکیدن بالرؤیه اعلامه ربطی ضمننده تأید اولدینی
تجارت محکمه سنه حواله سنه وزیرده مفرداتی مرقم
اوج بوزطقسان طقوز بیجق غروش مصارف تمیزیله نیک
ایلروده حقسز چیقجه جق طرفه رجوع ایتمک
اوزره اول امرده مستدعی تمیز طودوری قافاریدن

السنه ۱۲ اغستوس سنه ۳۱۲ تاریخنده متفقاً
قرار ویرلدى .

رازلق قضاسی اورمان اداره سیله سلانیکده
آیا قسطنبیدی محله سنده مقیم کشیش آرتیموس
بیننده متحدث دعوايه دائر رازلق بدایت محکمه
سندن ویریلان ۳۰ ایلول سنه ۳۱۰ تاریخچی
ویکرمی سکر نومرولی اعلام مرقوم آرتیموس
طرفندن تمیز ایلمکله باش مدعی عمومیلک
مأموریت علیه سنک مطالعه نامه سی الندقدن صکره
اعلام مذکور طرفینک اعتراض وجواب لایحه
لری ایله بالمطالعه تدقیقات تمیزیله اجرا سنه
ابتدار اولندی .

اعلام مذکورک خلاصه مآلی مرقوم
آرتیموسک ندوبریسه قریه سی حدودی داخلنده
کائن بالقانده رعای ایلدیکی درت بیک رأس

حیوانانک مجلس اداره جه قطع اولنان فیسات
اوزرندن رسم اولتلاقه سی اولان درت بیک
غروشک مرقوم آرتیموسدن تحصیل حقننده محلی
اورمان مأموری حسن بک اقامه ایلدیکی دعوايه
قارشو مدعی علیه آرتیموس دخی حیواناتی
رعای ایلدیکی محلی ندوبریسه قریه سی اهالی سندن
استیجار ایلدیکی جهتله رسم اولتلاقه لازم کلمه .
جکئی مدافعه بیان ایتمی اوزرینه قریه مرقومه
اهالی سنک دخی جلیله اجرا قلنان محاکمه
وتدقیقات نتیجه سنده محل مذکورک قریه مذکور
اهالی سنه مخصوص مرعی اولدینی اهالی مرقومه
طرفندن ابراز اولنان فرمان عالی مندرجاتیله
ثابت اولوب بومثللو اهالی قریه یه تأید اولان
مرعازدن فضله خزینه جلیله یه عائدیتی جهتله
اجور اتنک مهاجرین مصارفنه قارشو لوق اولوق
اوزره خزینه جه اخذی اولب ابدیه کی امر نامه
سامی احکامی اقتضاسندن اولسنه برقریه یه تأید
اولان مرعایه قریه مذکور اهالی سنک خارجدن
حیوان ادخال ایده میه جکری اراضی قانوننامه
سنک برنجی ماده سی مقتضاسندن اولسنه بناء
رعای اولنان اغنامک اولتلاق رسمی اولان مرعایه
درت بیک غروشک قریه مرقومه اهالی سنه
مراجعت ایتمک اوزره مرقوم آرتیموسدن تحصیلنه

حکمدن و مستدعی تمیز آرتیموسک اشبو قرار
علیه نده لایحه سنده محرر باشلوجه اعتراضی مدار
حکم اتخاذ قلنان امر نامه سامی احکامی دعواى
واقعه یه مابه التطبيق اوله مدینی حالدیه موجبجه
حکم ایلمسی مخالف قانون اولدیغندن بخنده
اعلامک نقضی استدعاسندن و مدعی علیه اورمان
اداره سی مأموری توفیق افندینک لایحه جوابیه سی
مآلی دخی حکم واقع اسباب موجبیه مستند
و قانونه موافق بولندینی بیانیله اعتراض مذکورک
ردی و اعلامک تصدیق طلبندن و مطالعه نامه
مذکور مندرجاتی دخی اعتراضات واقعه نیک
موافق قانون کوریه مدیکی بیاندن عبارت
بولمشدر .

ایجابی لدی المذاکره اعلام مذکور
مطالعه سندن مستفاد اولدینی اوزره محکمه مذکور
محلی اورمان مأمورینک راهب مرقومدن رسم قید
اوله رق طلب ایلدیکی درت بیک غروشک اراضی
قانوننامه سنک یوزنجی ماده سی حکمنه توفیقا
راهب مرقومدن تحصیلنه حکم ایلمش ایسه ده ماده
مذکور دعواى واقعه یه مابه التطبيق اتخاذ
اولنه ماز ایکن مندرجاتیه یا کلش معنا ویریله رک
مدار حکم اتخاذ قلتمسى مخالف قانون اولدیغنه

بناءً اصول محكمة حقوقه قانونك ايكوز اوتوز
ايكنجى مادهسى موجبنجه اعلامك نقضيله قانون
مذ كورك ايكوز قرق درنجى مادهسى حكمنه
توفيقاً كيفيتك يكدن بالرؤيه اعلامه ربطى
ضمننده محكمة مذ كوره اعاده سنه وزيرده
مفرداتى مرقم درت يوز اون طقوز بچق غروش
مصارف تميزه نك ايلروده حتمز چيقه جق طرفه
رجوع اتمك اوزره اول امرده مستدعى تميز
آرتيموسدن التسنه ۱۹ مايس سنه ۳۱۳ تاريخنده
متفقاً قرار ويرلدى .

اسكيشهرك عارفيه محله سنده مقيم قسطا كى
چاليكس ايله قصبه مذ كوره نك پاشا محله سنده
مقيمه محمود بك كريمسى حاجه كلثوم خانم بيننده
متحدث دعوايه دائر كوتاهيه بدايت محكمه سندن
۲۰ نيسان سنه ۳۱۲ تاريخى والى عددى ايله

صادر اولان اعلام مزبورده حاجه كلثوم خانم
طرفندن تميز اولغله طرفينك اعتراض وجواب
لايحملريله بالمطالعه تدقيقات تميزيه اجراسنه
ابتدار اولدى .

اعلام مذ كورك خلاصه مالى مزبورده
حاجه كلثوم خانم مرقوم قسطا كى زوجى متوفى
خليل اغانك كندوسنه يوز اوتوز ليرا دينى
بولنديغندن وبو كا مقابل پاشا محله سنده اولان
برباب خانهسى كندوسنه بيع بالوفا طريقيله
بيع ايلديكندن بمثله واقع اولان مراجعتى
اوزرينه مذ كور خانه مزايده چيقارلمش ايسه ده
منازع فيه خانه نك يالكر عرصهسى متوفى
مومى اليهك ملكى اولوب ابيهسى كندوسنك
اولدينى مبلغ مذ كورك تيمش ليراسى تقد والتون
ساعت بدلى اولوب التمش ليراسى دخى فائض فاحش
ايدو كندن وخصمنك بوياده كى اقرارينى اثبات
ايدو جكندن مذ كور يوز اوتوز ليرادن التمش ليرانك
تزييله بيع بالوفانك فسختى طلب ودعوى اتمسنه
قارشو مدعى عليه قسطا كى دخى مزبورده نك
زوجى متوفى خليل اغانك اوچيوز التمش بركون
وعده ايله كندوسندن استقراض ايلديكى يوز
اوتوز ليرايه مقابل باطاپو متصرف اولدينى

مذ كور خانى بيع بالوفا ايله كندوسنه ترهين
ايدرك اتقضاى مدتده مذ كور خانه نك فروختيله
تسوية دينه كفائت اتمديكى صورتده نقصانق
تأديه ته مدعيه مزبورده دخى كفالت ايتديكى
ناطق برقطعه سند ابراز واعطا ايلمسى اوزرينه
جريان ايدن محاكمه وتدقيقاته منازع فيه خانه نك
ابيهسى مدعيه مزبورده كلثوم خانمك اولدينى
اصولاً ثابت اولماش فاحش فائض حقنده كى
ادعاسنك بشيك غروش فضل اولق حسييله
سنداً اقتضا ايلمش وحضور حاكمك غيريده
اولان اقرارك معتبر اولمسه جنى بديهى بولتمش
اولديغندن مزبورده نك اولبايده كى ادعاسنك رديله
مزايده واقعه سنك دوامنه و خانه بدلنك دين
مذ كورى ابقايه كفائت اتمديكى تقديرده
متباقيسنك بحسب الكفاله مدعيه مزبورده كلثوم
خانمندن تحصيلنه دائر بدايه ويريلان اعلامى مدعيه
مزبورده عدم قبول ايله استيناف اتمش وعند
المحاكمه كفالت سندنه مخنوم مهر كندوسنك
ايسه ده زوجى طرفندن وضع وتختيم ابدلمش
ايدو كنى بيان وانبا ايلمش ايسه ده جريان ايدن
محاكمه وتدقيقات نتيجه سنده متوفى مزبور
خليل اغانك بيع بالوفا طريقيله ترهين ايلديكى
خانه نك كندو ملكى اولدينى اولبايده كى شهادت

نامه واملاك وطاپو قلملىرى قيوديله وسالف
الذ كر كفالت سندينك بالرضا مستأنفه مزبورده
كلثوم خانم طرفندن ويرلديكى استماع قلنان
شهودك شهادت واقعه سييله ثابت اولدينى فاحش
فائض ادعاسى اصولاً اثبات اولمسه مدعيه كى
مستأنف عليه قسطا كيك استظهاراً يمى دخى
اجر افلندينى جهته مستأنفه مزبورده نك ادعاسنك
رديله بيع بالوفانك دائره عائده سنجه تعقيب
معاملاتنه حكمنه ومستدعيه تميزك اشبو حكم
عليهنده لايجه سنده محرر اعتراضاتك باشلوجهسى
وفاء ترهين اولندينى ادعا اولنان خانه نك ايكى
بيك غروش قيمتى اولان يالكر عرصهسى
متوفى مرقومك ملكى اولوب اوزرنده كى ابيه
مجرد سكنايه مخصوص اولق اوزره كندى
طرفندن ايكوز ليرا صرفيله انشا ايتديرلديكى
جهته بيع بالوفانك يالكر عرصه شمولى اوله
بيلوب ابيه يه بر كونا حكم وتأثيرى اولمدينى
مدافعه درميان اتمش ايكن اشبو دفعنك نظر
دقه التامسى واستينافاً اقامه اولنان شهودك
كندوسيله عداوت دنيوى بولنديغندن شهادتلى
مقبول ومعتبر اولمدينى حالده قبول ايدلمسى ومبلغ
مدعا بده فاحش فائض اولدينى خصمنك اقرار

بالکتابه سی واقمه ایده جکی شهود ایله اثبات ایدمکنی بیان ونذ کار ایتش ایکن بورالینک نظر دفته التامسی بولسز ومخالف قانون اولدیفندن بختله اعلامک قضی استدعاسندن ومدعی علیه مرقوم قسطا کینک نتیجه اجوبه سی دخی سرد اولنان اعتراضاتک ردیله واعلام مذکورک تصدیق طلبندن عبارت بولنمشدر .

ایجابی مذاکره اولدوقده اعلام مذکور مندرجاتندن منقهم اولدینی اوزره مستدعیه تمیز ابراز واستناد اولنان سند هامشنده کی مهر کندوسنک ایدو کنی اقرار ایله برابر انجق کندی طرفندن وضع وتختیم ایدلدیکنی بیان ایلمش اولسنه نظراً استماع اولنان شهودک مذکور مهرک مزبوره طرفندن وضع وتختیم ایدلدیکنی بیان اولسنه نظراً استماع اولنان شهودک مذکور مهرک مزبوره طرفندن وضع

وتختیم ایدلدیکنه شهادت ایلماری اقتضا ایدرکن شهود مرقومه نک دعوايه توافقی ایتیان شهادتار- ینک قبول ایدلمسی ومجله حکمنجه شهود حقنده بعدالتزکیه دخی طمن جائز ومسموع ایکن طمن واقمک بعدالتزکیه اولدینی بیانیله رد ایدلمسی مغایر قانون اولدیفنه بناء اصول محاکمه

حقوقیه قانوننک ایکی یوز قرق برنجی ماده سی موجبجه اعلام مذکورک تقضیه قانون مزبورک ایکی یوز قرق دردنجی ماده سی توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه وزبرده مفرداتی مرقم اوچوز سکسان سکز بچق غروش مصارف تمیزیه نک ایلروده حقمنر چقه جق طرفه رجوع ایتمک اوزره اول امرده مستدعیه تمیزدن اخذ واستیفاسنه ۱۲ نیشان سنه ۳۱۲ تاریخنده متفقاً قرار ویرلدی .

قره مانلی عباسجی زاده مصطفی افندی ایله ارمنی ملتندن عقللی اوغلی آرام بیننده متحدث دعوايه دائر قره مان بدایت محکمه سندن ویریلان ۱۸ مایس سنه ۳۱۲ تاریخلی ودرت عددلی اعلام مومی ایله مصطفی افندی طرفندن تمیز اولنقله طرفینک اعتراض وجواب لایحه لریله بالمطالعه

تدقیقات تمیزیه اجراسنه ابتدار اولندی .

اعلام مذکورک خلاصه مالی مزبور آرامک مومی ایله مصطفی افندی ذمتنده باسند جهت کفالتندن الاجبی اولان درت یوزغروشک مع قائلن تحصیل حقنده استحصال ایلدیکی اعلام غیابی به مومی ایله مصطفی افندی جانبندن عدم قناعتله اعتراض علی الحکم استدعای اعطا وعند المحاکمه دین مذکورایله کفالتنی بالانکار حکم غیابینک فسخی طلب وانبا اولنسی ومعارض علیه آرامک وکیلی دخی مبرز سندنده مندرج بورجندن طولانی معترض مرقومک صلاحه طالب اولدیفنی اثباته حاضر ایدمه بوندن بشقه موکلنه کوندردیکی ایکی قطعه مکتوب مندرجاتی مومی ایله مصطفی افندی وکیلک اقرار ایتدیکنندن ورنجی مکتوبک موقلی آرام وانک شریکی بالقجیان قره بت طرفندن یازیلوب ظهیرینه جواب اوله رق مومی ایله مصطفی افدینک بورجنی ایفا ایدمه جکی وعدینی حاوی و دیگر مکتوب مالی دخی انی مؤید اولدیفنی درمیان ایتسی اوزرینه اولبابده اجرا قلنان محاکمه وتدقیقات نتیجه سنده ذکر اولنان مکتوب بلرده مبرز سندک حاوی اولدیی مبنی ایفایه متعهد اولدیفنه دائر برقید صریح اولدینی معترض وکیلی طرفندن درمیان اولنمش

ایسده مذکور مکتوبلرک موقلی مصطفی افندی طرفندن کوندردیکنی مومی ایله کیلی اقرار ایللمسی ومخاطبیده داین آرام ایله بالقجیان قره بت بولنسی ومعارض مومی ایله مصطفی افدینک دینی حاکم حضورنده اقرار ایلدیکی حقنده کی معترض علیه وکیلک افاده سی حاکم افدینک تصدیق ایللمسی قرائتله مذکور مکتوبلرک ثبوت دعوايه کفالتنی تحقق ایتش اولسنه بناء اعتراض علی الحکم استدعاسنک ردیله حکم غیابینک تصدیقنه حکمدن ومستدعی تمیز مصطفی افدینک اشبو حکم علیه نه لایحه سنده محرر اعتراضاتک باشلوجه سی مستند ادعا اولان سند محکمه جه قبول اولدینینی کی ابراز اولنان مکتوبلر دخی یالکز بالقجی اوغلی قره بت نامنه یازلمش اولسنه کوره مرقومک ادعاری وجهله شریک اولسه لر بیله بوجهنک تدقیق اقتضا ایدر ایکن بورالینک نظر دقت واعتنایه التامسی وحاکمک قبل الحکم واقع اولان اقراره شهادتنک قبول ایدلمسی مغایر قانون اولدیفندن بختله اعلامک قضی ولایحه جوابیه مندرجاتی دخی حکم واقع اصول وقانونه موافق اولدینی بیانیله اعتراض واقمک ردی واعلام مذکورک تصدیق طلبندن عبارت بولنمشدر .

ایجابی مذاکره اولند قدده اعلام مذکور مندرجا
 شدن منضم اولدینی اوزره دعوی واقعه ده
 مستند ادعا اولان مکتوبلر مبلغ مدعا بهک حکمه
 اساس اوله من ایکن محکمه مذ کوره جه حکمه
 اساس طو تلمسی و حضور حاکم غیر بدیه وقوع
 بولان اقرارک صحته دلالت ایدر بر اماره بولندینی
 حلاله معتبر عد ایدلمسی مغایر قانون اولدیندن
 اصول محاکمه حقوقیه قانونک ایک یوز اوتوز
 ایکنجه ماده سی موجبجه اعلام مذ کورک
 تقضیه قانون مزبورک ایک یوز قرق دردیجه ماده سی
 حکمه توفیقاً کیفیتک قانون دائره سنده بالرؤیه
 اعلامه ربطی ضمننده محکمه مذ کوره به اعاده سنه
 وزیرده مفرداتی مرقم اوج یوز سکسان سکر
 بچق غروش مصارف تمیزیه نک ایلروده حقسز
 حقیقه چق طرفه رجوع ایتمک اوزره اول امرده
 مستدعی تمیز مصطفی افندیکن التمسنه ۸ مارت
 سنه ۳۱۳ تاریخنده متفقاً قرار ویرلدی .

لنی جزیره سنک واروش محله سی ساکنه
 لرندن آدیلو بنت نیقولاغوض قادین ایله محله
 مذ کوره متمکن لرندن قسطنطنی طباک کی بیئنده
 متحدت دعویاه دائر لنی بدایت محکمه سندن
 ۱۸ حزیران سنه ۳۰۸ تاریخی و اوتوز اوج عدیله
 ویریلان اعلام مرقوم قسطنطنی طباک کی جانبندن
 تمیز ایدلمسکله مزبوره اولیغیه قادینک بلاولد
 وفاتنه منی خزینة جلیله نک مدعی علیه مقامنه
 قائم اولغیه مستدعی مرقومک اعتراض و خزینة
 و کیلنک جواب لایحه لرله بالمطالعه تدقیقات
 تمیزیه اجرا سنه ابتدار اولندی .

اعلام مذ کورک خلاصه مآلی مزبوره
 اولیغیه قادین حال حیاتنده کندوسنک چند
 قطعه سند موجبجه بعض کسان ذمتنده الاجبی
 اولان ایک یوز عدد انکلیز ایراسنی حاوی بولنان
 سنداتی برقطعه بحت شرعیه موجبجه مرقوم
 قسطنطنی طباک کی به هبه ایتمش ایسه ده مرقوم
 طباک کی مذ کور سندلرک بدلاتی قبض ایتمکسزین
 هبه دن رجوع ایتمش اولدیندن بولنرک مرقوم
 بدندن استرداد ایده بیلدیکی یکریمی لیرالق سندن
 بشقه مرقومک نزدنده بولنان یوز سکسان لیرالق
 سکر عدد سندک دخی استرداد یله طرفنه تسلیمتی

لنی بدایت محکمه سنده طلب ودعوی ایتمسنه
 قارشو مدعی علیه مرقوم قسطنطنی دخی مدعیه
 طرفندن کندوسنه هبه صورتیله ایک یوز لیرالق
 طقوز قطعه سند ویریلوب مؤخرأ یکریمی لیرالق
 برقطعه سی مدعیه به اعاده ایلدیکی وسکر قطعه
 سند یوز یکریمی ایک یچق عدد انکلیز ایراسنی
 ناطق اولغیه بوجهت مدعی علیه دن استیضاح
 اولند قدده تمامیله برابر حساب اولند قدده ایک یوز
 لیرابه بالغ اوله جغنی سویلمسی و مدعی مزبوره
 دخی مذ کور سندلر میاننده التمش عدد انکلیز
 ایراسنی حاوی و محکمه اعضا سندن اناغوستی
 نامنه محرر برقطعه سند دها موجود ایکن سند
 مذ کورک مرقوم اناغوستک بش لیرالق بدلی
 التمش سندیله مبادله ایدلمش اولدینتی درمیان
 ایلمسی اوزرینه محکمه جه اجرا قلنان محاکمات
 نتیجه سنده مدعی علیه مرقوم مدعی مزبوره
 طرفندن کندوسنه ایک یوز عدد انکلیز لیرالق
 طقوز قطعه سند هبه صورتله تسلیم اولدینتی
 اقرار و اعتراف ایتمکده اولسنه و مذ کور هبه دن
 واهبه نک رجوعنه مانع بر حال موجود اولماسنه
 و سندات مذ کوره نک ابرازنده یوز یکریمی ایک یچق
 لیرالق ظهور ایتمسی اوزرینه مدعی علیه اقرار اولتی
 تاویلاً مع نما ایک یوز لیرالق ایدوکنی سویلمش

ایسه ده نما نقده اوله میه جغه منی محله نک سکر
 یوز التمش ایکنجه ماده سی حکمه توفیقاً سندات
 مبرزه نک عیناً استرداینه و اوست طرفی اولان
 الی یدی بچق عدد انکلیز ایراسنک دخی تقدأ
 مدعی علیه مزبور قسطنطنی طباک کیدن تحصیلنه
 حکم دن و مستدعی تمیز قسطنطنی طباک کی نک
 لایحه سنده محرر اعتراضاتک باشلوجه سی محکمه
 مذ کوره جه تحت حکمه انسان الی یدی بچق
 عدد انکلیز ایراسنی حقنده بر کونه تدقیقات
 اجرا اولغیسزین تحصیلنه حکم اولنسی مقار
 اصول و قانون اولدیندن بمثلله اعلامک تقضی
 استدعا سندن و مدعی علیه خزینة مشار الیها
 و کیلنک لایحه سنده مندرج نتیجه اجوبه سی
 دخی حکم واقع موافق اصول و قانون اولدینی
 بیانیه اعتراضات مسروده نک ردی و اعلامک
 تصدیقی طلبندن عبارت بولنمشدر .

ایجابی مذاکره اولند قدده اعلام مذ کور
 مآلندن منضم اولدینی اوزره مدعی نک استردادینی
 دعوی ایتمکده اولدینی سنداتک التمش لیرالق
 سندک د کشدیر یله رک یرینه بش لیرالق سندک
 وضع ایدلدیکنی ادعا و مدعی علیه دخی بوصولتی
 انکار ایتمکده اولمیرینه نظراً بوجهله د کشد
 یرلیدی حقنده مدعی علیه امر تحلیفی اجرا

قائمق لازم کاور ایکن محکمه جه بو بولده اجرای
 معامله ایدلمکسزین التمش لیرالق سندک
 د کشدیرلمش اولسنه ذهاب ایله الی بدی بچق
 لیرانک تحصیلنه حکم اولنمسی بولسر و مغایر
 قانون بولنمش و مستدعینک باشلوجه اعتراضی دخی
 بوجهنه متداثر اوله رق شایان قبول کورنمش
 اولدیفندن اصول محاکمه حقوقیه قانوننک ایکی یوز
 اوتوز ایکنجی و ایکوز قرق برنجی ماده لری
 موجنبجه اعلام مذکورک نقضی ایله قانون مزبورک
 ایکوز قرق دردنجی ماده سی حکمنه توفیقاً کیفیتک
 بوجه مشروح اعلامه ربطی ضمننده محکمه
 مذکوره به اعاده سنه وزیرده مفرداتی مرقم درت
 یوز یکرمی طقوز بچق غروش مصارف
 تمیزیه نک ایلروده حقسز چبقه جق طرفه رجوع
 ایتمک اوزره اول امرده مدعی علیه قسطنطی
 طباکیدن النسنه ۲۰ تشرین ثانی سنه ۳۱۳
 تاریخنده متفقاً قرار ویرلدی .

اعلام مذکورک خلاصه مالی مرقوم
 درویش عثمان اغا قره حصارک بورمالی محله سنده
 کائن معلوم الحدود برباب خانه و اوج بچق دونم
 باغک مجموعی مزبورلرک مورثلری متوفی
 احمددن حال حیاتنده اوج بیک اوچیوز طقسان
 طقوز غروش بدل مقبوض مقابلنده اشتراوقبض
 وتسلیم ایلشیکن مرقوم احمدک وقوعو قاتیله
 ورثه سی بولنان مزبورلرک مداخله ایتمکده
 اولدق لرندن بختله مداخله واقعه لرنک منعی طلب
 ودعوی ایتمسنه قارشو مزبوره منیره وحنیفه
 خاتونلر منازع فیه خانه و باغک قیمتی بدی بیک
 غروش اولدیفنی حالده مورثلری متوفی احمد

حین موتنده غبن فاحش ایله صاندیفندن قبول
 ایدمیه جکلرینی مدافعه بیان و انبا ایللری اوزرینه
 اولبایده اجرا قلنان محاکمه و تدقیقات نتیجه سنده
 مذکور باغ و خانه قیمتلری بدی بیک غروش
 ایکن اوج بیک اوچیوز کسور غروشه مرقوم
 احمد طرفندن حین موتنده صاندیفنی استماع
 اولنان شهودک شهادت لریله ثابت اولمش و شهود
 مرقومه نک میبعک قیمتی بیاتنده تعیین اولنان
 مقداردن فضله سی حقسنده کی شهادت لرینه برشی
 دینله میه جکی کبی مجله نک بیک بدی یوز سکر
 و اوچیوز طقسان دردنجی ماده لری احکامنجیه
 ورثه مرقومه نک عقد بیعی فسخه صلاحیتلری
 اولمیه جفندن مذکور بدی بیک غروش
 تأدی اولنان اوج بیک اوچیوز طقسان طقوز
 غروش بالتزیل باقی اوج بیک التي یوز برغروشک
 مشتری مرقوم عثمان اغادن بالتحصیل حصه لرینه
 کوره ورثه مرقومه به ویرلمسنه حکمدن و اشبو
 حکم علیهنده مستدعی تمیزک باشلوجه اعتراضی
 مجله نک اوچیوز الی سکرنجی ماده سی حکمنجه
 غبن فاحش دعواسی اوزرینه انتقال ایتمز
 ایکن محکمه جه بوراسنه دقت اولنماسی
 مخالف قانون اولدیفندن بختله اعلامک نقضی

استدعاسندن عبارتدر .
 ایجابی مذاکره اولدقده اعلام مذکور
 مطالعه سنندن اکلاشلدیفنی اوزره بیعه غبن
 فاحش وقوعبولدیفنی بیانیله بوجه محرر حکم
 اولنمش ایسه مجله نک اوج یوز سکرنجی
 ماده سی موجنبجه غبن فاحش ایله مغبون اولان
 کسنه نک وفاتندن صکره غبن فاحش دعواسنک
 اوزرینه انتقال ایده مامسنه کوره محکمه مذکوره جه
 مدعی علیهلری دفع دعوالرینک ردی لازم
 کاور ایکن بالعکس قبول وینه استماعیه حکم
 اولنمسی بولسر و اصول و قانونه مخالف و مستد
 عینک بالاده محرر اعتراضی دخی بوجهته مدائر
 اوله رق موافق نفس الامر کورنمش اولدیفندن
 اصول محاکمه حقوقیه قانوننک ایکی یوز اوتوز
 ایکنجی ماده سی موجنبجه اعلام مذکورک نقضیه
 قانون مذکورک ایکی یوز قرق دردنجی ماده سی
 حکمنه توفیقاً کیفیتک یکیدن بالرؤیه اعلامه
 ربطی ضمننده محکمه مذکوره به اعاده سنه وزیرده
 مفرداتی مرقم التي یوز یکرمی بر بچق غروش
 مصارف تمیزیه نک ایلروده حقسز چبقه جق
 طرفه رجوع ایتمک اوزره اول امرده مستدعیندن

الشمسه ۸ مایس سنه ۳۱۳ تاریخنده متفقاً قرار ویرلدی .

لرینک بروجہ پشین مال صندیغندن وبعده اعشاری درعهده و التزام ایدن ملتزمندن تحصیل اعشار نظامنامه سی احکامندن بولدیغندن بحثه سنه مرقومه اعشار ملتزمی اولان انقرهلی میخالا کینک هنوز اجرت مذکورہی تسلیم ایتدیکندن تحصیلک تحت قرارہ النسی حقیقہ خزینہ مشار الیہا محلی وکیلک اقامہ ایلدیکی دعوی اوزرینہ طرفینہ دعوتیہ ورقہلری تبلیغ ایتدیرلیدیکی حالده یوم معینده ہر ایک طرف اجابت ایتوب مؤخرأ مدعی خزینہ مشار الیہا وکیلک وقوعبولان استدعاسی اوزرینہ مدعی علیہک غیابندہ وکیل مسخر حضوریلہ جریان ایدن محاکمہ و تدقیقات نتیجہسنده کرچہ ملتزم مومی الیہک کو کوری بدلندن خزینہ جلیلیہ بورجی بولدیغنے دأر بر کونہ سند ابراز اولنہ ماہ مش ایسہدہ ادعا اولدیغنی وجہلہ قضانک بہر سنہ ارکن ادراک ایدن کو کرسی اولاً مجلس ادارہ قضادن تعیین قلنان مأمورلر معرفتیلہ ثبت دفتر ایدیلہرک اعشارک احالہسندن صکرہ مذکور دفاترک ملتزمینہ تسلیمی تعامل قدیم واعشار نظامنامہسنک احکامی اقتضاسندن بولدیغندن اولوجہلہ مذکور دفتر ملتزم مومی الیہ میخالا کی افندیہ تسلیم ایلدیکی کبی بوبابده تعیین قلنان

خزینہ جلیلیہ مالیه ایلہ ملتزم میخالا کی پتندہ متحد دعویہ دأر قوچ حصار بدایت محکمہسندن ۳۱ اغستوس سنہ ۳۱۱ تاریخی وبش عددیلہ ویریلان اعلام مرقوم میخالا کی طرفندن تمیز اولمغله باش مدعی عمومیلک مأموریت علیہسنک مطالعہ نامہسی اندقدتصکرہ اعلام مذکور یالکر مستدعینک اعتراض لایحہ سیلہ بالمطالعہ تدقیقات تمیزیہ اجراسنہ ایتدار اولندی .

اعلام مذکورک خلاصہ مالی قوچ حصار قضاسنک اوچوز سکر سنہسی ارکن ادراک ایدن کو کوری حاصلاتی تحریر و ثبت دفتر ایتک اوزرہ تعیین قلنان مأمورلرک اجرت مقطوعہ

اولدیغندن بحثہ اعلام مذکورک نقضی استدعا سندن ومطالعہ نامہ مندرجاتی دخی صلاحیت

مابعدی وار

مأمورلرہ جانب خزینہدن اجرت اولہرق ایک بیگ یدی یوز الی فروش ویریلہرک معاملہ لازمہسی اجرا قلندیغنی والنان سندلرک داخل دفتر ایدیلہرک واشبو مبلغک ملتزم مومی الیہ طرفندن مال صندیغنے تسلیم ایلدیکی قیداً اکلاشلمش اولدیغندن مذکور ایک بیگ یدیوز الی فروشک تعامل قدیم وجہلہ میخالا کی افندیغ تحصیلنہ حکمدن ومستدعی تمیز میخالا کی افندیغ اشبو قرار علیہندہ لایحہسنده محرر خلاصہ اعتراضاتی کندوسنک اقامتکاهی انقرہدہ اولدیغندن دعوی واقعہنک مرجع رؤیتی انقرہ محکمہسی اولدیغنی حالده خارج ازصلاحیت قوچ حصار بدایت محکمہسنجہ فصل ورؤیت اولنسی ولوجلہ المحاکمہ تعیین اولنان کوندہ خزینہ جلیلیہ وکیلی دخی محکمہ کلامش اولدیغندن تکرار کندوسنہ دعوتیہ تبلیغ اولنمق قانوناً مقتضی ایکن محکمہجہ کندوسنک خبردار ایلدیکی بر کوندہ غیاباً حکم اولنسی وخزینہ جلیلیہ نامنہ اقامہ اولنان دعوی بر کونہ قیود رسمییہ مستند بولمدیغنی کبی اعلامدہ محکی مجلس ادارہ قضا قرارندن دخی بحث اولنمامسی و کو کوری مأمورلرینک کیملر اولوب بونلرہ قاچ فروش ونہ ایچون ویرلش اولدیغنی تدقیق قلنپہرق محکومتی طرفنہ کیدلسی مخالف قانون

اعلان

انکلترہ دولتی تبعہسندن چقماقیلر یقوشندہ اغوبیان خانندہ ساکن « او . اغوبیان ایندسین » نام تجارت شرکتک اقامتکاهی مجهول ایدو کی اقدجہ تبین ایدن تبعہ دولت علیہدن پروانت اغوبیان علیہنہ درسعادت محکمہ تجارتی برنجی مجلسندن استحصال ایلدیکی ۷ مارت سنہ ۳۱۴ تاریخلی و ۱۸۹ نومرولی ودرت یوز اون سکر لیرا و اون التي فروشک گذشتہ ومصارف محاکمہ ایلہ برابر تحصیل و بصورت قابل اولہمیہجنی

در سعادتده فجاجیلر یقوشنده مقیم مانیفلا
 طوراجی استپان هکیمیانک آرمناق ارسلانیان
 علیهنده ۱۱ نیسان سنه ۳۱۴ تاریخی و ۵۴
 عدیلله استحصال ایلدیکی اعلام غیابینک برقطعه
 صورت مصدقه سی محکوم علیه مرقوم آرمناق
 آرسلا نیانک اقامتکاهی مجهول بولندینی جهتله
 اصول محاکمه تجارت نظامنامه سنک یکر منجی
 ماده سنک دردنجی فقره سی احکامنه قیاساً تبلیغ
 اولنمش عد اولنمش اوزره محکمه نك دیوانخانه سنه
 تعلیق اولندینی کبی اوراق حوادث واسطه سیله
 دخی اعلان قلدور .

۶ ذی الحججه سنه ۳۱۵

۱۵ نیسان سنه ۳۱۴

تقدیرده مدعی مومی الیه « او . اغویان اندسین »
 تجارت شرکتک و کیلی طرفدن اثنای
 محاکمه ده اعتراف ایلدیکی جنسی ونوعی اعلامده
 مندرج حصه سندآتک اصولی دائره سننده
 فروختیله اثمان حاصله سندن مبلغ محکوم بهک
 تسویه سی حکمنی ناطق اعلام غیابینک برقطعه
 صورت مصدقه سی برمنوال محرر مرقوم یروان
 اغویانک اقامتکاهی مجهول بولندینی جهتله
 اعلاناً تبلیغی طلب اولنمش اولغله اولوجهله
 صورمد کوره اصول محاکمه تجارت نظامنامه سنک
 یکر منجی ماده سنک فقره مخصوصه سنه توفیقاً
 تبلیغ اولنمش عد اولنمش اوزره محکمه نك دیوان
 خانه سنه تعلیق اولندینی اوراق حوادث واسطه سیله
 دخی اعلان اولنور .

۱۱ ذی القعدة سنه ۳۱۵

۲۱ مارت سنه ۳۱۴

(مطبعة مامره ده طبع اولنمشدر)